

IGMAN '89.

Juni 1989. godine može se nazvati mjesecom okupljanja i dogovaranja najvećeg broja geodetskih stručnjaka SR Bosne i Hercegovine i dogovora asocijacija geodetskih organizacija Jugoslavije.

U dane 23. do 25. juna na planini Igman, u izuzetnom ambijentu, dobrim uslovima organizovano je više manifestacija, posvećenih geodetskoj djelatnosti u SRBosni i Hercegovini i djelatnosti na nivou SFRJ.

Dana 23. juna organizovana je Skupština "Jugogeodeta" sjednica Predsjedništva i Skupština saveza geodetskih inženjera i geometara Bosne i Hercegovine, te radni sastanak sa rukovodiocima opštinskih organa uprave, nadležnih za geodetske poslove, a 24. i 25. održan je Drugi susret geodetskih inženjera i geometara Bosne i Hercegovine.

SKUPŠTINA "JUGOGEODET-a"

Na Skupštini "Jugogeodet-a" izvršen je izbor organa poslovne zajednice, usvojen plan poslovne zajednice za 1989. godinu, usvojeni geodetski normativi, razmatran je Samoupravni sporazum o udruživanju u poslovnu zajednicu, Informacija o posjeti Tuniške delegacije na čelu sa generalnim sekretarom O.A.C.T-a, data saglasnost na zaključivanje sporazuma o saradnji, razmatrana saradnja sa statističkim zavodima te mogućnost organizovanja seminara za geodetske stručnjake iz Afričkih zemalja.

PREDSJEDNIŠTVO SKUPŠTINE SGIG-a BOSNE I HERCEGOVINE

Na sjednici Predsjedništva razmatrani su materijali, pripremljeni za Skupštinu SGIG-a BiH, te stanje izvršenih priprema za održavanje Drugog susreta geodetskih inženjera i geometara Bosne i Hercegovine. Predsjedništvo je utvrdilo prijedlog Odluke o izmjenama i dopunama Statuta SGIG-a BiH, prijedlog za dodjelu društvenih priznanja i usvojilo Poslovnik o radu Predsjedništva Skupštine Saveza geodetskih inženjera i geometara Bosne i Hercegovine.

SKUPŠTINA SAVEZA GEODETSKIH INŽENJERA I GEOMETARA BOSNE I HERCEGOVINE

Skupština SGIG-a BiH održana je u Kongresnoj dvorani hotela "Igman". Na Skupštini je izvršen izbor novih tijela i organa Skupštine i Saveza geodetskih inženjera i geometara Bosne i Hercegovine, donesena Odluka o izmjenama i dopunama Statuta SGIG-a BiH, Odluka o dodjeli društvenih priznanja SGIG-a BiH i utvrdjen prijedlog za dodjelu društvenih priznanja SGIG-a Jugoslavije članovima SGIG-a BiH, razmatran i usvojen izvještaj o radu Predsjedništva Skupštine SGIG-a BiH, izvještaji o radu SGIG-a BiH, Samoupravne kontrole i finansijskom poslovanju SGIG-a BiH.

Za predsjednika SGIG-a BiH za naredni dvogodišnji period, Skupština je izabrala Mr Mirsada Bakšića, diplomiranog geodetskog inženjera, istaknutog geodetskog stručnjaka i aktivnog člana Saveza geodetskih inženjera i geometara BiH Podružnice Sarajevo, te aktivnog člana u Savezu inženjera i tehničara Bosne i Hercegovine.

Za sekretara SGIG-a BiH izabran je Krzyk Tomislav, diplomirani geodetski inženjer. Ovo je nova funkcija, u okviru Saveza geodetskih inženjera i geometara Bosne i Hercego-

vine utvrđena Odlukom o izmjenama i dopunama Statuta SGIG-a Bosne i Hercegovine.

Novina je i to da predsjednika SGIG-a BiH bira Skupština, a ne kao što je bilo do sada da se bira iz reda članova Predsjedništva Skupštine SGIG-a.

Za stalnog delegata sa četverogodišnjim mandatom, u Predsjedništvu Saveza geodetskih inženjera i geometara Jugoslavije, izabran je Begić Mustafa, geodetski inženjer i diplomirani pravnik.

Za delegate u Savezu inženjera i tehničara BiH ispred SGIG-a BiH izabrani su prof.dr Smil Pašalić i mr Nikola Pržulj, diplomirani geodetski inženjer.

Za članove delegacije SGIG-a BiH u Skupštini SGIG-a Jugoslavije izabrani su Bakšić Mirsad, Garo Andjelko, Begić Mustafa, Pržulj Nikola i Knežević Luka.

Na prijedlog podružnica SGIG-a BiH i Predsjedništva Skupštine SGIG-a BiH, Skupština SGIG-a BiH je predložila Skupštini SGIG-a Jugoslavije da se Šehović Seadu dodijeli Plaketa zaslužnog člana Saveza geodetskih inženjera i geometara Jugoslavije.

Skupština SGIG BiH dodijelila je Plaketu i time proglasila: - za počasne članove SGIG-a Bosne i Hercegovine dr. Smila Pašalića, Lojpur Mihajla, Maglić Fuada, mr Dragana Zdjelara, Arnautović Kemala i Čavić Stojana; - za zaslužne članove SGIG-a BiH dr Nihadu Kapetanovića, Okić Antoniju, mr Lero Mladena, Matić Stanku, Unkić Hamdiju, Lajić Branišlava, Mirjanić Nebojšu, Čatić Hazima, Hadžimuhamedović Fadila, Čamić Izeta, Memić Zikriju, Jovanović Dragana, Molek Petra, Bešić Bekira, Raca Milana, Tabaković Salih, Tanović Beglera, Božović Borišu, Nižić Mladena, Velagić Mustafu, Brnadić Augustina, Efendić Bekiru i Bulić Rajka, a plakete SGIG-a BiH dodijeljene su: Okuka Milovanu, Alajbegović Harizu, Begtašević Muji, Grahić Rizahu, Gaco Andjelku, Abaza Hakiji i Rondić Edibu.

Plakete o društvenim priznanjima dobitnicima su uručene na zajedničkoj večeri 24. juna.

**RADNI SASTANAK RUKOVODILACA OPŠTINSKIH ORGANA UPRAVE
NADLEŽNIH ZA GEODETSKE POSLOVE IZ SRBIH**

Direktor Republičke uprave za geodetske poslove i katastar nekretnina organizovao je radni sastanak sa rukovodiocima opštinskih organa uprave, nadležnih za geodetske poslove. Tema sastanka je stanje radova na uspostavljanju katastra nekretnina (priprema i izlaganje na javni uvid podataka premjera i utvrđivanja prava na nekretninama) organizaciona pitanja (organizovanost geodetske službe u opštinama i opremljenost posebno računskom opremom) i prezentacija Pravilnika o izlaganju na javni uvid podataka premjera i utvrđivanja prava na nekretninama.

Sastanku je prisustvovalo cca 150 rukovodilaca organa nadležnih za geodetske poslove i članova komisija koje rade na izlaganju na javni uvid podataka premjera i utvrđivanja prava na nekretninama.

U dužnoj raspravi istaknut je niz problema u vezi sa radom opštinskih organa uprave, a posebno je ukazano na probleme sadašnjeg načina organizovanja opštinskih organa uprave i poteškoće u ostvarivanju funkcije organa u uslovima kada nije organizovan kao samostalan organ, te u uslovima kada mu je pripojena imovinsko-pravna služba i kada su za rukovodioce organa imenovani kadrovi izvan geodetske struke, a koji se dovoljno ne angažuju na unapredjenju rada službe i stvaranju preduslova za ostvarivanje ciljeva i zadataka koji proističu iz Zakona o premjeru i katastru nekretnina i Zakona o katastru komunalnih uredjaja.

Prezentaciju Pravilnika izvršio je Lojpur Mihajlo, dipl.inž.geodezije, jedan od autora pravilnika.

Skup je donio zaključak da se uradi cjelovita analiza stanja u ovoj oblasti, posebno sa stanovišta organizovanosti geodetske službe u opštinama i osposobljenosti službe za izvršavanje postavljenih zadataka. U tom cilju opštinski organi uprave treba da, svaki za svoje područje i organ u opštini sačini analizu stanja i uticaj novog načina organizovanja na izvršavanje osnovnih zadataka službe - održavanje premjera i katastra zemljišta, katastra komunalnih uređaja i uspostavljanje katastra nekretnina.

Na osnovu analize stanja u opštinskim organima uprave republička uprava treba da uradi analizu stanja u Republici i da je prezentira Izvršnom vijeću Skupštine SRBIH, a po potrebi i Skupštini SR Bosne i Hercegovine.

Zaključeno je da se ovaj posao obavi do marta 1990. godine i o rezultatima razmatranja analize obavijeste opštinski organi uprave.

Od analize i mjera koje treba da uslijede očekuje se adekvatniji način organizovanja opštinskih organa uprave, poboljšanje materijalnog položaja organa i radnika u organu uprave i obezbjedjenje pretpostavki za uspješniji rad na uspostavljanju katastra nekretnina.

DRUGI SUSRET GEODETSKIH INŽENJERA I GEOMETARA BOSNE I HERCEGOVINE

Drugi susret geodetskih inženjera i geometara BiH održan je uz sudjelovanje cca 800 učesnika. Kao gosti Saveza geodetskih inženjera i geometara BiH na susret su pozvani predstavnici Saveza geodetskih inženjera i geometara Jugoslavije, Saveza geodetskih inženjera socijalističkih republika i socijalističkih autonomnih pokrajina, Republičkih i pokrajinskih geodetskih uprava, geodetskih fakulteta, geodetskih organiza-

cija udruženog rada, te Saveza inženjera i tehničara Bosne i Hercegovine.

Drugi susret je otvorio predsjednik organizacionog odbora Mustafa Begić. U kratkoj uvodnoj riječi pozdravio je goste i sve prisutne učesnike Drugog susreta i zahvalio se domaćinu kolektivu ZOI'84 hotela "Igman" na Igmanu na obezbjedjenju izuzetno dobrih uslova za rad i održavanje sportskih takmičenja, stavljanju učesnicima Susreta hotelske kapacitete i sadržaj hotela na raspolaganje.

Tema Drugog susreta je "INFORMACIONI SISTEMI U OBLASTI GEODETSKE DJELATNOSTI". Obradjena je oblast informatike u nauci i obrazovanju, državnoj upravi i geodetskim organizacijama udruženog rada.

Za ovu priliku pripremljeni su referati:

- Primjena programskih paketa za izradu i održavanje katastra nekretnina i održavanje katastra zemljišta, Referat pripremio Šestić Muhamed, dipl.inž.geodezije.
- Obrazovanje u oblasti programiranja i primjene računara na Odsjeku za geodeziju Gradjevinskog fakulteta u Sarajevu. Referat pripremio mr Zdravko Galić, dipl.inž.geod.
- Formiranje ERC-a u Geodetskom zavodu u Sarajevu, kao savremene tehničke podrške vlastitom informacionom sistemu i automatskoj obradi podataka. Referat pripremio Rondić Edib, dipl.inž.geod. i Sikimić Lazo, dipl.inž.geod.
- "FIRST" sistem za upravljanje bazom podataka o katastru nekretnina. Referat pripremio mr Zdravko Galić, dipl.inž. geod.

Stručne teme popraćene su prezentacijom paketa programa iz oblasti katastra nekretnina na više tipova računarske opreme, uz sudjelovanje više proizvođača računara i projektanata paketa programa.

Posebnu pažnju učesnika Drugog susreta pobudila je tema "LIČNI RAD I RAD SREDSTVIMA U SVOJINI GRADJANA". Veliki

broj učesnika dao je svoj doprinos u sagledavanju ove problematike, nudeći različite pristupe i rješenja. Ocjena je svih da ovom obliku pružanja usluga, u narednom periodu treba posvetiti dužnu pažnju. Zaključci Drugog susreta treba da usmjere dalje aktivnosti na stvaranju uslova da lični rad i rad sredstvima u svojini građana i na prostorima Bosne i Hercegovine zaživi i dobije svoje mjesto i u zakonskim normama.

Društvenim aktivnostima, posebno sportskim takmičenjima Organizacioni odbor je posvetio više pažnje. Sve pripreme su blagovremeno obavljene. Propozicije takmičenja su na vrijeme date učesnicima, pa su i takmičenja završena na opšte zadovoljstvo svih učesnika.

Pobjedničkim ekipama, u terminu zajedničke večere, dodijeljeni su pehari i diplome.

Učesnici Drugog susreta ovlastili su Predsjedništvo SGIG-a BiH, da na bazi provedene rasprave usvoji zaključke i dostavi ih podružnicama SGIG-a BiH na realizaciju.

Predsjedništvo SGIG-a BiH, na sjednici održanoj dana 30. oktobra 1989. godine usvojilo je slijedeće

Z a k l j u č k e:

1. Osavremenjavanje u geodetskoj djelatnosti (obrazovne institucije, geodetske radne organizacije, geodetske službe u organizacijama udruženog rada, te organi uprave iz oblasti geodetske djelatnosti) treba da brže prenose na obradu evidencije i podatke putem računarske tehnike i u tome da:
 - idu na zajednička programska rješenja, tipizaciju računarske opreme,

- kod obrazovanja kadrova voditi računa da u programima obrazovanja kadrova oblast programiranja i obrade podataka putem računarske tehnike bude adekvatno zastupljena.
2. Lični rad i rad sredstvima u svojini građana treba da bude omogućen i u oblasti geodezije, te u tom pravcu treba:
- u pripremi zakona, odnosno izmjena i dopuni zakona iz oblasti geodetske djelatnosti obezbijediti prostor i mogućnosti za lični rad i rad sredstvima u svojini građana,
 - putem posebne radne grupe pripremiti prijedlog koji su to poslovi na kojima se mogu angažovati geodetski stručnjaci u vidu ličnog rada i rada sredstvima u svojini građana,
 - sagledati način uključivanja u izvršenju odredjenih poslova ličnim radom i radom sredstvima u svojini građana i stvaranje uslova da geodetski stručnjaci u vršenju poslova ličnim radom i radom sredstvima u svojini građana mogu preuzimati podatke i dokumentaciju, neophodnu za izvršenje zadataka, koristiti i preuzimati od nadležnih organa i
 - utvrditi minimum uslova koje treba da ispunjava geodetski stručnjak da bi dobio ovlaštenje za izvodjenje radova ličnim radom i radom sredstvima u svojini građana.
3. Zaključke Predsjedništva realizovati u 1989. i 1990. godini.

Predsjedništvo je imenovalo radnu grupu za utvrđivanje poslova i zadataka koji bi se mogli obavljati ličnim radom i radom sredstvima u svojini građana.

1. Za predsjednika radne grupe imenovan je:

- Gaco Andjelko,

2. Za članove radne grupe imenovani su:

- Lukić Ilija,

- Begić Mustafa,

- Rondić Edib I.

- Obradović Dragan.

Mustafa Begić,
dipl.pravnik